

## Gary Granada "Ang Butil Ng Pag-ibig"

Visit "[Ang Butil Ng Pag-ibig](#)" on MotoLyrics.com

Tatlong magkakaibigan ang sa gubat napasyal  
Magsasaka, mangangaral at mangangalakal  
Doo'y may ermitanyong nasalubong nila  
May tatlong kumikislap na butil na dala

Butil ng pag-ibig, wika ng matanda  
Ay ipamahagi palagi sa kapwa  
Ang mamamg negosyante, inuwi sa kanila  
Ang butil ng pag-ibig binigyan ng halaga

Sa hapag ng mamahalin at babasaging kristal  
Nilapag at itinuring na panauhing pandangal  
Ngunit kahit na ang butil ay panatag sa silid  
Ay nanatiling butil ang butil ng pag-ibig

Butil ng pag-ibig, wika ng matanda  
Ay ipamahagi palagi sa kapwa  
Ang magiting na guro, kanyang isinapuso  
Ang butil ng pag-ibig itinuring na ginto

Nilukuban ng talino ng maingat na pantas  
Sa sisidlang kumikinang ng pilak na kwintas  
Ngunit kahit na ang butil ay panatag sa dibdib  
Ay nanatiling butil ang butil ng pag-ibig

Butil ng pag-ibig, wika ng matanda  
Ay ipamahagi palagi sa kapwa  
Ang masinop na magbubukid, isinalin sa paso  
Ang butil ng pag-ibig inalay sa mundo

At sa lupa na sa sipag at tiyaga ay binungkal  
Sa bakuran ng katuwiran na hindi nabubuwal  
Sa palibot na payapa hinasik at dinilig  
Sumibol at namunga ang butil ng pag-ibig

At sa lupa na sa sipag at tiyaga ay binungkal  
Sa bakuran ng katuwiran na hindi nabubuwal  
Sa palibot na payapa hinasik at dinilig  
Sumibol at namunga, namunga ng kalinga,  
Tiwala at pag-asa ang butil ng pag-ibig

